

摘藻堂四庫全書薈要

集部

欽定四庫全書薈要

集部

御選歷代詩餘卷四十四

五

詳校官編修臣汪鏞

欽定四庫全書薈要

御選歷代詩餘卷四十四

起六十六字
至六十七字

行香子 又一體

晏幾道

蘇軾 三首

晁補之 三首

葛勝仲

趙師俠



辛棄疾 四首

汪莘 二首

洪璚

沈端節

黃昇

蔣捷

于真人

李清照

韓玉

趙元

張翥

四首

高啓

馬洪

于未

沈懋德

前調

又一體

歐陽修

青玉案

又一體

蘇軾

黃庭堅

二首

李之儀

賀鑄

毛滂

周紫芝

二首

謝逸

廖行之

陳謹

蔡伸

劉一止

趙長卿

二首

張元幹

三首

曾覲

楊无咎

侯寘

姚進道

程垓

曹冠

趙彥端

管鑑

王千秋

趙善扛

陸游

高觀國

韓澆

吳潛

吳文英

陳允平

石孝友

黃公紹

李萊老

僧惠洪

李清照

完顏壽

党懷英

元好問

二首

張弘範

王暉

楊基

七首

馬洪

文徵明

王世貞

李伊玉

陳子龍

周世臣

御選歷代詩餘卷四十四目錄

欽定四庫全書薈要卷二萬七百二十二

集部

御選歷代詩餘卷四十四

起六十六字
至六十七字

行香子

又一體雙調

六十六字

行香子

晏幾道

晚綠寒江芳意匆匆惜年華今與誰同碧雲零落數字
征鴻看渚蓮凋宮扇舊怨秋風流波墜葉佳期何在
想天教離恨無窮試將前事閒倚梧桐有銷魂處明月

夜錦屏空

前調

茶

蘇軾

綺席纔終歡意猶濃酒闌時高興無窮共誇君賜初拆
臣封看分香餅黃金縷密雲籠鬪嬴一水功敵千鍾
覺涼生兩腋清風暫留紅袖少却紗籠放笙歌散庭館
靜略從容

前調

過七里灘

蘇軾

一葉舟輕雙槳鴻驚水天清影湛波平魚翻藻鑑鷺點

煙汀過沙溪急霜溪冷月溪明
重重似畫曲曲如屏
算當年空老嚴陵客星一夢今古虛名但遠山長雲山
亂曉山青

前調

與泗守南山晚歸

蘇軾

北望平川野水荒灣共尋春飛步孱顏和風弄袖香霧
縈鬟正酒酣適人語笑白雲間飛鴻落照相將歸去
澹涓涓玉宇清閒何人無事晏坐空山望長橋上燈火
亂使君還

前調

晁補之

歸鳥翩翩樓上黃昏黯
天氣殘照餘痕曲闌千裏有箇
愁人向不言中千載事一年春
春來似客春去如雲
付樓前行路雙輪傾江變酒舉斛為尊
斷浮生外愁千丈不關身

前調

晁補之

前歲栽桃今歲成蹊更黃鸝久住相知微行清露細履
斜暉對林中侶閒中我醉中誰
何妨到老常閒常醉

任功名生事俱非朱顏難強拙語多遲但酒同行月同
坐影同歸

前調 梅

晁補之

雪裏清香月下疎枝更無花比並瓊姿一年一見千繞
千回向未開時愁花放恐花飛 芳尊移就幽葩折取
似玉人攜手同歸揚州應記東閣逢時恨劉郎誤題詩
句怨桃溪

前調

葛勝仲

風物颼颼木落滄洲漸老人不奈悲秋
羈懷都在鬢上
眉頭似休文瘦文通恨子山愁
庭梧影薄籬菊香浮
強招尋脚命朋儔窮通皆夢今古如流
且淵明徑子猷
舫仲宣樓

前調

趙師俠

春日遲遲春景熙熙漸郊原芳草萋萋
天桃灼灼揚柳
依依見燕喃喃蜂簇簇蝶飛飛
閒庭寂寂曲沼漪漪
更秋千紅索垂垂游人隊隊樂意嬉嬉
盡醉醺醺歌緩

緩語低低

前調

三山作

辛棄疾

好雨當春要趁歸耕況而今已是清明小牕坐地側聽
簷聲恨夜來風夜來月夜來雲 花絮飄零鴛燕丁寧
怕妨儂湖上閒行天心肯後費甚心情放霎時陰霎時
雨霎時晴

前調

山居客至

辛棄疾

白露園蔬碧水溪魚笑先生釣罷還鋤小牕高卧風展

殘書看北山移盤谷序輞川圖
白飯青芻赤腳長鬚
客來時酒盡重沽聽風聽雨
吾愛吾廬歎苦無心剛自
瘦此君疎

前調

辛棄疾

少日嘗聞富不如貧貴不如賤者長存
由來至樂總屬
閒人且飲瓢泉弄秋水看停雲
歲晚情親老語彌真
記前時勸我慇懃都休滯酒也
莫論文把相牛經種魚
法教兒孫

前調

雲巖道中

辛棄疾

雲岫如簪野漲接藍向春闌綠醒紅酣青裙縞袂兩兩
三三把麴生禪玉版局一時叅拄杖彎環過眼嵌巖
岸輕烏白髮鬢鬢他年來種萬樹千杉聽小鶯蠻新格
磔舊呢喃

前調

臘八日與客
溪行夜雪

汪莘

野店殘冬綠酒春濃念如今此意誰同溪光不盡山翠
無窮有幾枝梅幾竿竹幾株松籃輿乘興薄暮踈鐘

望孤村斜日匆匆夜
牕雪陣曉枕雲峰
便擁漁蓑頂漁笠
作漁翁

前調

雪後

汪莘

策杖溪邊倚杖峰
前坐瓊林玉樹森
然誰家殘雪何處
孤煙向一溪橋一
茅店一漁船別般
天地新樣山川喚
家童訪鶴尋猿山
深寺遠雲冷鐘殘
喜竹間燈梅間屋
石間泉

前調

洪璚

楚楚精神揚柳腰身是風流天上飛瓊凌波微步羅襪
生塵有許多嬌許多韻許多情 十年心事兩字眉婚
問何時真箇行雲秋衾半冷牕月窺人想為人愁為人
瘦為人顰

前調

沈端節

煙澹回塘月浸疎篁一枝春壓盡羣芳儵然風度玉質
金章有許多情許多韻許多香 中酒情懷琢句心腸
倚屏山子細端相冰芽初試桐子新嘗更綺牕前冰壺

畔看勻妝

前調

梅

黃昇

寒意方濃暖信纔通是晴陽暗拆花封冰霜作骨玉雪
為容看體清癯香淡汀影朦朧孤城小驛斷角殘鐘
又無邊散與春風芳心一點幽恨千重任雪霏霏雲澹
澹月溶溶

前調

舟泊
筒灣

蔣捷

紅了櫻桃綠了芭蕉送春歸客尚蓬飄昨宵穀水今夜

蘭皋奈雲溶溶風澹澹雨瀟瀟 銀字笙調心字香燒
料芳蹤乍整還凋待將春憾都付春潮過窈窕堤秋孌
渡秦孌橋

前調

于真人

閨苑瀛洲金谷重樓總不如茅舍清幽野花鋪地算也
風流却也宜春也宜夏也宜秋 酒熟堪窈窕客至須留
更無榮無辱無憂退閒一步著甚來由但倦時眠渴時
飲醉時謳

前調 七夕

宋媛

李清照

草際鳴蛩驚落梧桐正人間天上愁濃雲階月地關鎖
千重縱浮槎來浮槎去不相逢 星橋鵲駕經年纔見
想離情別恨難窮牽牛織女莫是離中甚霎兒晴霎兒
雨霎兒風

前調

韓玉

一翦梅花一見銷魂况溪橋雪裏前村香傳細蕊春透
靈根更水清冷雲黯淡月黃昏 幽過溪蘭清勝山礬

對東風獨立無言霜寒塞壘風靜譙門聽角聲悲笛聲
怨恨難論

前調

趙元

山擁垣墻水滿溪塘幾人家籬落斜陽又還夏也一霎
人忙正稻分畦蠶卸簇麥登場老子徜徉閒日偏長
鬢蓬鬆只管尋涼綠陰何處旋旋移牀有道邊槐門外
柳舍南桑

前調

張翥

佛寺雲邊茅舍山前樹陰中酒旆低懸峰巒空翠溪水
清漣只欠梅花欠沙鳥欠漁船無限風煙景趣天然
最宜他隱者盤旋何人村墅若箇林泉恰似敲湖似枋
口似斜川

前調

止酒

張翥

謝董糟丘罷醉鄉侯更開除從事青州長筭儘臥大白
休浮本欲成歡翻引病不銷愁今日空喉明日扶頭
甚實中甕下堪羞客應嗔斷歸不須謀指水為言山作

誓有盟鷗

前調

張翥

水遠天低雪意垂垂火爐頭煨芋燃萁蒲團穩坐紙帳
低圍且放些慵補些拙學些癡休惹羣兒唱起銅鞮
笑山翁醉倒如泥誰分螺髻莫近鴟夷把獨醒人沉醉
者兩忘機

前調

張翥

擾擾閒浮清濁同流費精神補喜填憂歲云暮矣卿可

歸休有板支頤書遮眼被蒙頭
軒冕浮漚華屋山丘
待他時老去優游築間茅屋
買箇黃牛種芋成區瓜作
圃稻盈疇

前調

芙蓉

高啓

如此紅妝不見春光向菊前
蓮後纔芳雁來時節寒沁
羅裳正一番風一番雨一番霜
蘭舟不採寂寞橫塘
強相依暮柳同行湘江路遠
吳苑池荒奈月朦朦人杳
杳水茫茫

前調

馬洪

紅徧櫻桃綠暗芭蕉瑣牕深春思無聊雙飛燕嬾百轉
鶯嬌正漏聲遲簾影靜篆香飄惜月前宵病酒今朝
有誰知臂玉微銷封題錦字寄與蘭翹恨樹重重雲渺
渺水迢迢

前調

于未

揚子之居吾愛吾廬竹檻中翠色人扶睥睨今古野性
雲孤枕一行山一溪水一牀書衫履如如容止徐徐

償不清文債詩逋銷沉日月天地間吾且梅為妻鶴為
子酒為徒

前調

夜雨

沈懋德

密雨深秋亂落梧楸已相驚袖薄衫颺那堪獨聽隣夢
初浮記那時言那時淚那時愁甚沒來由雁叫雲頭
頓收歸萬里清秋付還河漢獨把離愁向小牕中深簾
裏最淹留

前調

又一體

歐陽修

舞雪歌雲閨淡妝勻藍溪水染輕裙酒香醺臉粉色生
春更雅談話好情性美精神空江不斷凌波何處向
越橋邊青柳朱門斷鐘殘角又送黃昏奈眼中淚心中
事意中人

青玉案

又一體雙調

六十七字

青玉案

送伯固
歸吳中

蘇軾

三年枕上吳中路遣黃耳隨君去若到松江呼小渡莫

驚鷗鷺四橋盡是老子經行處
輞川圖上看春暮常
記高人右丞句作箇歸期天已許
春衫猶是小蠻鍼線
曾濕西湖雨

前調

至宜州
酬元明

黃庭堅

烟中一線來時路極目送歸鴻去
第四陽關雲不度山
鶯新轉子規言語正在愁人處
憂能損性休朝暮憶
我當年醉時句渡水穿雲心已許
暮年光景小軒南浦
同捲西山雨

前調

黃庭堅

行人欲上來時路破曉霧輕寒去隔葉子規聲暗度十分酒滿舞裯歌袖明夜無尋處故人近送旌旗暮但聽陽關第三句欲斷離腸餘幾許滿天星月看人憔悴燭淚垂如雨

前調

有所禱用
方回韻

李之儀

小篷又泛曾行路這身世如何去去了還來知幾度多情山色有情江水笑我歸無處夕陽杳杳還催暮練

淨空吟謝卽句試禱波神應見許帆開風轉事諧心遂
直到明年雨

前調

題橫塘路

賀鑄

凌波不過橫塘路但目送芳塵去錦瑟年華誰與度月
橋花榭瑣牕朱戶只有春知處碧雲冉冉蘅皋暮彩
筆新題斷腸句試問閒愁添幾許一川煙草滿城風絮
梅子黃時雨

前調

毛滂

玉人為我殷勤醉向醉裏添姿媚偏著冠兒釵欲墜桃
花氣暖露濃煙重不自禁春意綠榆陰下東行水又
漸漸近淒涼地明月侵牀愁不睡眉兒吃皺為誰無語
閣住陽關淚

前調

凌歊臺懷
李端叔

周紫芝

青鞵忍踏江沙路恨人已騎鯨去筆底驂騑誰與度西
州重到可憐不見華屋生存處秋江渺渺高臺暮滿
壁棲鴉醉時句飛上金鸞人漫許清歌低唱小蠻猶在

空濕梨花雨

前調

周紫芝

梅花落盡人誰管
暗淒斷傷春眼
雪後平蕪春尚淺
一簪華髮滿襟離恨
羞做東風伴
鬪花小斛蘭芽短
猶是當年舊庭院
擬把新愁憑酒遣
春衫重著酒痕猶在
忍放金杯滿

前調

謝逸

蘆花飄雪迷州渚
送秋水連天去
一葉小舟橫別浦
數

聲鴻鴈兩行鷗鷺天淡瀟湘暮
篷牕醉夢驚簫鼓回首青樓在何處
柳岸風輕吹殘暑菊開青蕊葉飛紅樹
江上瀟瀟雨

前調

九日憶
羅舜舉

廖行之

家山此處無多路久沒箇音書去一別而今佳節度黃
花開未白衣到否籬落荒涼處
崢嶸歲月還秋暮空
腹便便無好句菊意愆期開未許那堪惹恨年來此日
長是瀟瀟雨

前調 詠雪

陳瓘

碧空黯淡同雲繞
漸枕上風聲峭
明透紗牕天欲曉
珠簾纔捲美人驚
報一夜青山老
使君命客金尊倒
千里瓊瑤未經掃
敲壓江梅春信早
十分農事滿城和氣
管取來年好

前調

蔡伸

參差弱柳長堤路
弱柳外征帆去
皓齒明眸嬌態度
回頭一夢斷腸千里
不到相逢處
來時約略春將暮
幽

恨空餘錦中句
小院重門深幾許
桃花依舊出牆臨水
亂落如紅雨

前調

劉一止

小山遮斷藍橋路
恨短夢難飛去
長記修眉縈曲度
約花開檻映風招袖
總是憐渠處
追歡我已傷遲暮
猶有多情舊時句
極目高樓千尺許
竹枝三唱為君淒斷
東日西邊雨

前調

社日
客居

趙長卿

去年社日東風裏向三徑開桃李脆管危絃隨意起綠
陰紅影暖香繁蕊伴我醺醺醉今年社日空垂淚客
舍看花甚情意江上危樓愁獨倚欲將心事巧憑來燕
說與人憔悴

前調

趙長卿

天涯目斷江南路見芳草迷風絮綠暗花梢春幾許小
挑寂寞海棠零亂飛盡臙脂雨子規聲裏山城暮月
挂西南夢回處滿抱離愁推不去雙眉百皺寸腸千縷

無計憑鱗羽

前調

張元幹

王孫陌上春風輕
蕊珠宴雲輶從歸去
笙歌常醉擁蠟
殘花炬月侵冰簟
慣作涼堂夢
玉人勸客釵斜鳳
條脫擎杯腕嫌重
燕子入簾飛
畫棟雨餘深苑漏
催清夜更軋秦箏送

前調

張元幹

平生百繞垂虹路
看萬頃翻雲去
山澹夕暉帆影度
羨

歌風斷轂羅塵散，總是關情處。少年陳迹，今遲暮走
筆，猶能醉詩句。花底目成心暗許，舊家春事，覺來客恨
分付，踈篷雨。

前調

張元幹

華裾玉轡青絲鞵，記年少金吾從。花底朝回，珠翠擁曉
鐘。初斷宿酲，猶帶綠瑣，牕中夢。天涯相遇，鞭鸞鳳老
去，堂成更情重。月轉簷牙，雲繞棟，涼吹香霧。酒迷歌扇，
春筍傳杯送。

前調

曾覲

乘鸞影裏冰輪度秋空淨南樓暮嬾嬾天風吹玉兔今
宵只在舊時圓處往事難重數天涯幾見新霜露怎
得朱顏舊如故對酒臨風慵作賦藍橋煙浪故人千里
夢也無由做

前調

揚无咎

竒葩珍樹叢叢繞望仙隱蓬萊小前枕湖光秋色曉荷
花今歲也如人意不逐西風老霞觴獻壽頻頻倒瑞

靄浮空凝不埽定自日邊飛詔早芝庭呈秀桂宮得意
更看明年好

前調

侯寘

東風一夜吹晴雨小院裏春如許桃李無言情難訴陽
關車馬灞橋風月移入江天句 雙旌明日留難住今
夕清觴且頻舉咫尺清明三月暮尋芳賓客對花杯勺
回首西江路

前調

姚進道

東風夜放花千樹更吹落星如雨寶馬雕車香滿路鳳
簫聲動玉壺光轉一夜魚龍舞蛾兒雪柳黃金縷笑
語盈盈暗香去衆裏尋他千百度驀然回首那人却在
燈火闌珊處

前調

程垓

寶林巖畔凌雲路記藉草尋梅去詠綠書紅知幾度行
雲歸後碧雲遮斷寂寞人何處一聲長笛江天暮別
後誰吟倚樓句勻面照溪心已許欲憑錦字寫人愁去

生怕梨花雨

前調

曹冠

煙村茂樹灣溪畔似遠景暮輕練細草平沙騎款段漁
翁欵乃却驚鷗鷺飛起澄波面班荆對飲垂楊岸枝
上鶯歌如解勸山映夕陽霞綺散醉吟乘興錦囊詩滿
愛月歸來晚

前調

贈勉道
琵琶人

趙彥端

當年萬里龍沙路載多少離愁去冷壓層簾雲不度矣

蓉雙帶垂楊嬌髻絃索初調處
花凝玉立東風暮曾
記江邊麗人句異縣相逢能幾許
多情誰料琵琶洲畔
同醉清明雨

前調

永州宴張叔信席上

管鑑

相逢何處梅花好深院宇笙歌繞
春入侯門長不老羅
幃繡幕護香藏粉却許行人到
過雲清唱傾城笑玉
貌花光互相照銀燭頻更尊屢倒
明年應是對花相憶
君已班清要

前調

送黃岡令

王千秋

雪堂不遠臨臯路
悵仙伯騎鯨去
燕麥桃花更幾度橫
橋雖在種松無有誰是關心處
解鞍君到冬雖暮
傳語無忘曬蓑句
起手栽花花定許
執香披翠灌紅疏
綠趁取清明雨

前調

趙善扛

一年陌上尋芳
意想人在東風裏
褪粉銷紅
春有幾青
翰飛去紫雲凝
佇往事如流水
煙橫極浦
山無際暗

解明璫問誰寄鄉在溫柔何處是輪囷香霧靜深庭院
簾影參差翠

前調

與朱景參
會北嶺

陸游

西風挾雨聲翻浪恰洗盡苗芽瘴老慣人間齊得喪千
巖高卧五湖歸權替却凌煙像故人小駐平戎帳白
羽腰間氣何壯我老漁樵君將相小槽紅酒晚香丹荔
記取蠻江上

前調

高觀國

平生似欠西湖債，每拚了金貂解。嫵媚烟雲多變態，雕鞍來處畫船歸去。花柳春風隘。玉京相接蓬壺界，入畫遙山翠。分黛蘇小不來時節，改一堤風月。六橋煙水鷺約鷗盟在。

前調

韓 流

蘇公堤上西湖路，柳外躍青驄去。多少韶華驚鷓暗度。南山遊徧北山歸後，總是題詩處。如今老矣傷春暮。澤畔行吟漫尋句。落拓情懷空自許。小園芳草短籬修竹。

點點飛花雨

前調

吳潛

十年三過蘇臺路
還是匆匆去
迅景流光容易度
鷺州鷗渚葦汀蘆岸
總是銷魂處
蒼煙欲合斜陽暮
付與愁人砌
愁句為問新愁
愁幾許
酒邊成醉
醉邊成夢
夢斷前山雨

前調

吳文英

東風客雁溪邊道
帶春去
隨春到
認得踏青香徑小
傷

高懷遠亂雲深處目斷湖山杳
梅花似惜行人老不
忍輕飛送殘照一曲秦娥春態少幽香誰採舊寒猶在
歸夢啼鶯曉

前調

採蓮女

陳允平

涼庭背倚斜陽樹過幾陣菰蒲雨自擢輕舟穿柳去綠
裙紅襖與花相似撐入花深處
妾家住在鴛鴦浦妾
貌如花被花妬折得花歸嬌厮覷花心多怨妾心多恨
勝似蓮心苦

前調

石孝友

征鴻過盡秋容謝
捲離恨還東下
前翦翦霜風落平野
溪山掩映水煙搖
曳幾簇漁樵舍
芙蓉城裏人如畫
春伴春游夜轉夜
別後知他如何也
心隨雲亂眼隨天斷
淚逐長江瀉

前調

黃公紹

年年社日停鍼線
爭忍見雙飛燕
今日江城春已半
一身猶在亂山深處
寂寞溪橋畔
征衫著破誰鍼線
點

點行行淚痕滿落日解鞍芳草岸花無人戴酒無人勸
醉也無人管

前調

李萊老

吟情老盡江南句幾千萬垂絲縷花冷絮飛寒食路漁
煙鷗雨燕昏鶯晚總入昭華譜紅衣妝靚涼生渚環
碧斜陽舊時樹枯葉分題觴詠處荀香猶在庾愁何許
雲冷西湖賦

前調

僧惠洪

綠槐煙柳長亭路恨取次分離去日永如年愁難度高
城回首暮雲遮盡目斷知何處 解鞍旅舍天將暮暗
憶丁寧千萬句一寸柔腸情幾許薄衾孤枕夢回人靜
徹曉蕭蕭雨

前調

宋媛

李清照

征鞍不見邯鄲路莫便匆匆歸去秋正蕭條何以度明
牕小酌暗燈清話最好留連處 相逢各自傷遲暮獨
把新詞誦奇句鹽絮家風人所許如今憔悴但餘雙淚

一似黃梅雨

前調

雪

完顏璫

凍雲封却駝岡路有誰訪溪梅去夢裏疎香風暗度覺
來惟見一牕涼月瘦影無尋處 明朝畫筆江天暮定
向漁蓑得竒句試問簾前深幾許兒童笑道黃昏時候
猶是廉纖雨

前調

茶

党懷英

紅莎綠筠春風餅趁梅驛來雲嶺紫桂巖空瓊竇冷佳

人却恨等閒分破縹緲雙鸞影
一甌月露心魂醒更
送清歌助清興痛飲休辭今夕永
與君洗盡滿襟煩暑
別作高寒境

前調

代贈

元好問

苧蘿坊裏青驄駐愛鸚鵡垂簾語
一捻嬌春能幾許寒
梅欲動小桃初放恰是關心處
西城流水東城雨綠
葉成陰慣相誤只恐韶華容易去
一聲金縷一卮芳酒
且為花枝住

前調

元好問

落紅吹滿沙頭路似總為春將去
花落花開春幾度多情惟有畫梁雙燕
知道春歸處鏡中冉冉韶華暮欲
寫幽懷恨無句九十花期能幾許
一卮芳酒一襟清淚寂寞西牕雨

前調

張弘範

西風天際征鴻去問誰過燕山路
葉落虛庭空綠樹一川秋意滿懷
愁緒樓外瀟瀟雨天涯望斷行雲暮
好

著蠻牋寄情句底是相思斷腸處吟風賦月論文說劍
無箇知音侶

前調

王惲

綠陰暗盡西城樹人總道春歸去裊裊亦亦條高幾許
燈閃爍翠雲縈護自有留春處金尊未厭傾芳醕醉
墨題詩要香露蝴蝶飛來何栩栩向人有意繞闌翻舞
似約花間住

前調

揚基

曉牕啼鳥驚春睡似報道春光至側側餘寒侵繡被梅
花飛也杏花開也燕子歸來未 水光山色如人意長
恨春陰杳無際今日新晴俱可喜山光明媚水光溶漾
只有人憔悴

前調

楊基

鶯聲留我看山久臨去也重回首雖是春山隨處有暖
風輕霧澹煙疎雨都在江邊柳 自知不是經綸手無
意封侯印如斗行樂何須金谷友只消尋箇典衣伴侶

同醉金陵酒

前調

揚基

曉來一陣輕寒過水面薄冰吹破竹外錦鳩啼一箇添
黃入柳點紅歸杏都是東風做
鬢絲游颺烏巾墮醉

裏漁歌自賡和但得潮頭風不大數羣鷗鳥半篙煙雨
著我船中卧

前調

揚基

雪消天氣東風猛簾半捲猶嫌冷怪問春來長不醒一

春都是酒徒花伴醉了重相請
而今白髮羞垂領靜
裏時將舊游省記得孤山堤上景
一灣流水半痕新月
畫出梅花影

前調

楊基

五更風雨花如霰問春在誰庭院
報道春光浮水面一
雙鷓鴣數莖芹藻無數桃花片
武陵溪上東風怨空
趁漁郎再尋便拋棄已同秋後燕
那知別後飄飄蕩蕩
這裏重相見

前調 春雨

楊基

平湖過雨清如鑑，柳下賣花船。纜雌蝶雄蜂飛繞，檻杏
花終是輕紅嫩白，不比梨花淡。一春能幾花前採，天
氣無憑，故相賺。晴不多時，陰亦暫，一回風雨，一回煙霧，
何處堪登覽。

前調

楊基

王孫芳草生無數，漸綠徧長干。路春色匆匆，裏度幾
番風雨，幾番晴霽，又早遙天暮。青鞵不怕春泥污，紅

葉重教曲闌護細數落花成獨步自緣山野不堪廊廟
不是文章誤

前調

馬洪

平川渺渺花無數明鏡裏孤舟度花下美人和笑顧問
郎莫是乞漿雀護別久來何暮 盈盈羅襪凌波步看
月連娟鬢如霧人世光陰花上露這回休去再來須誤
箇是桃源路

前調

文徵明

庭下石榴花亂吐滿地綠陰亭午午睡覺來時自語悠
揚魂夢黯然情緒蝴蝶過牆去駸駸嬌眼開仍帶悄
無人至還凝佇團扇不搖風自舉盈盈翠竹纖纖白苧
不受些兒暑

前調

王世貞

鴨頭波染濃于耐風起處春初皺乳燕雙雙簾幙透梨
花未雪綠楊猶絮蠶飽桑陰瘦無端釀出清明候忽
憶城南乍分手十二雕闌寒更陡踏青人遠鬥茶時近

滋味如中酒

前調

山林積雪

李伊玉

梵宮百尺同雲護
漸白滿蒼苔路破臘
梅花香蚤露銀
濤無際玉山萬里寒
臯江南樹
鴉啼影亂天將暮
海
月纖痕映煙霧
修竹低垂孤鶴步
楊花風弄鷺毛天
翦
總是詩人誤

前調

陳子龍

海棠枝上流鶯囀
試小立東風面
細草凌波紅一線
碧

雲凝照綠楊零亂重鎖深深院
甘蕉滴翠當心捲寫
徧相思空自遣歸去枕函曾夢見
一天星斗滿庭風露
吹落梨花片

前調

周世臣

綠陰闕結紗牕暖院院新鶯初囀
春去却如人去遠樓
空無伴闌干倚徧離緒從教滿
憶清明畫船輕泛細
草麗詞閒弄板愁字半將歡字換
更無拘管春風人面
底事匆匆散

御選歷代詩餘卷四十四

欽定四庫全書薈要

御選歷代詩餘卷四十五目錄

感皇恩

又一體

晁補之

二首

賀鑄

毛滂

二首

晁沖之

二首

周紫芝

三首

葛邲

二首

周邦彥

二首

趙企

蔡伸

王庭珪

康與之

曾覲

辛棄疾

二首

陸游 二首

韓澆 二首

黃昇

韓玉

党懷英

李俊民

王暉

吳子孝

馮盛世

解佩令

又一體

晏幾道

看花回

又一體

柳永

夢行雲

吳文英

鳳凰閣

趙師俠

賣花聲

莫是龍

垂絲釣

又一體

袁去華

三奠子

元好問

王惲

天仙子

張先

五首

趙令時

周紫芝

呂渭老

張元幹

程垓

楊慎

吳子孝

夏復

王微

青玉案

又一首

歐陽修

晁補之

曹組

張榘

二首

吳子孝

前調 又一體

張集

周用

張大烈 二首

前調 又一體

裘昌今

兩同心

晏幾道

黃庭堅

前調

又一體

柳永

楊无咎

行香子

又一體

杜安世

拾翠羽

張孝祥

帶人嬌

又一體

晏殊

三首

蘇軾

歸田樂

又一體

晏幾道

獻衷心

又一體

顧夙

佳人醉

柳永

數花風

張炎

月上海棠

陸游
二首

前調
又一體

段克己

段成已 二首

小桃紅

晏殊 二首

程垓

余桂英

惜黃花

史達祖

雨中花令

又一體

周紫芝

御選歷代詩餘卷四十五目錄

欽定四庫全書蒼要卷二萬七百二十三

集部

御選歷代詩餘卷四十五

起六十七字至七十字

感皇恩

又一體雙調六十七字第三句或於第五字逗且有叶韻者然無分體也

感皇恩

海棠

晁補之

常歲海棠開偷閒須到多病尋芳嬾春老偶來恰值半
謝妖嬈猶好便呼詩酒伴同傾倒繁枝高蔭疎枝低
繞花底杯盤花影照多情一片恨我歸來不早斷腸鋪

碎錦門前道

前調

晁補之

終歲憶春回西園行盡歡喜梅梢上春信去年攜手暗
約芳時還近燕來鶯又到人無準憑誰向道流光一
瞬佳景閒過舞衣褪春歸何處又對飛花難問舊歡都
未遇成新恨

前調

賀鑄

蘭芷滿汀洲游絲橫路羅鞵塵生步迎顧整髮顰黛脈

脈多情難語細風吹柳絮人南渡
回首舊游山無重
數花底深朱戶何處半黃梅子向晚一簾疎雨斷魂分
付與春歸去

前調

鎮江待闌

毛滂

綠水小湖亭朱闌碧甃江月娟娟上高柳畫樓縹緲盡
挂牕紗簾繡月明知我意來相就
銀字吹笙金貂取
酒小小微風弄襟袖寶熏濃炷人共博山煙瘦露涼釵
燕冷更深後

前調 晚酌

毛滂

多病酒尊疎飲少輒醉年少銜杯可追記無多酌我醉
倒阿誰扶起滿懷明月冷爐煙細雲幙雖高風波無
際何似歸來醉鄉裏玻璃缸上滿載春光花氣蒲萄仙
浪軟迷紅翠

前調 寒食

晁冲之

寒食不多時牡丹初賣小院重簾燕飛礙昨宵風雨尚
有一分春在今朝猶自得陰晴快
熟睡起來宿醒微

帶不惜羅襟搵眉黛日長梳洗看著花陰移改笑拈雙
杏子連枝戴

前調

晁沖之

蝴蝶滿西園啼鶯無數水閣橋南路凝佇兩行煙柳吹
落一池風絮秋千斜挂起人何處把酒勸君閒愁莫
訴留取笙歌住休去幾多春色怎禁許多風雨海棠花
謝也君知否

前調

除夜

周紫芝

玉筯點椒花年華又杪絳蠟燒殘暗催曉小牕醒處夢
斷月斜江悄故山春欲動歸程杳天意不教人生常
少富貴應須致身早此宵長願贏取一尊娛老假饒真
百歲能多少

前調

送晁別駕

周紫芝

江上一山橫偶來同住山北山南共來去今朝何事目
送征鴻輕舉可堪吹不斷梨花雨千里莫厭重霄雲
路飛下彤庭伴鴈鷺紫騮烏帽看盡章臺風絮故人應

問我今何處

前調

送侯彥嘉
歸彭澤

周紫芝

何處是雲菴本來無住雲共誰來共誰去菊籬杯酒聊
為淵明頻舉幅巾應漉濕斜川雨此去常恨相從無
路記取孤飛水邊鷺重來一笑又是柳飄殘絮夢魂知
不到君閒處

前調

葛郊

風雨半摧殘一園花老綠徧池塘夜來草看花何處莫

被此花相惱世間多少事邯鄲道 憑遠下臨暗塵飛
繞數點煙中水村小斜陽且任為我花間留照從教紅
滿地何須掃

前調

葛 郊

花似鏡中人不堪衰老空羨青青岸邊草多情消瘦更
被無情相惱近來無限事憑誰道 蝴蝶滿園叢邊空
繞睡起流鶯語聲小瑣牕危坐更被玉蟾孤照夜闌梅
影瘦憑誰掃

前調

周邦彥

露柳好風標嬌鶯能語獨占春光最多處淺顰輕笑未
肯等閒分付為誰心子裏長長苦 洞房見說雲深無
路憑仗青鸞道情慆酒空歌斷又被濤江催度怎禁言
不盡愁無數

前調

周邦彥

小閣倚晴空數聲鐘定斗柄垂寒暮天靜朝來殘酒又
被春風吹醒眼前猶認得當時景 往事舊歡不堪重

省自歎多愁更多病綺牕依舊敲徧闌干誰應斷腸明
月下梅搖影

前調

趙企

騎馬踏紅塵長安重到人面依然似花好舊歡纔展又
被新愁分了未成雲雨夢巫山曉千里斷腸關山古
道回首高城似天香滿懷離恨付與落花啼鳥故人何
處也青春老

前調

蔡伸

酒暈襯橫波玉肌香透輕裊腰肢如垂柳臂寬金釧且
不是干春瘦撚金雙合字無心繡鬢雲半隨玉釵欲
溜羅袂殘香忍重顛渡江桃葉腸斷為誰招手倚闌凝
望久眉空闕

前調

王庭珪

一葉下西風寒生南浦椎鼓鳴撓送君去長亭把酒却
倩阿誰留住尊前人似玉能留否醉中暫聽離歌幾
許聽不能終淚如雨無情江水斷送扁舟何處歸時煙

浪捲朱簾暮

前調

康與之

一雨一番涼江南秋興門掩蒼苔鎖寒徑紅塵不到盡
日鳥啼人靜綠荷風已過搖香柄澹陰未解園林清
潤一片飛花墮紅影殘書讀盡袖手高吟清詠任從車
馬客勞方寸

前調

重到
臨安

曾

覲

依舊惜春心花枝常好只恐尊前被花笑少年青鬢耐

得幾番重到舊歡重記省如天杳
綺陌青門斜陽芳
草今古銷沈送人老帝城春事又是等閒來了亂紅隨
過雨鶯聲悄

前調

辛棄疾

春事到清明十分花柳喚得笙歌勸君酒酒如春好春
色年年依舊青春元不老君知否
席上看君竹清松
瘦待與青春鬪長久三山歸路明日天香襟袖更持金
盞起為君壽

前調

讀莊子傷
朱晦菴

辛棄疾

案上數編書非莊即老會說忘言始知道萬言千句不
自能忘堪笑今朝梅雨霽青天好一壑一丘輕衫短
帽白髮多時故人少子雲何在應有玄經遺草江河流
日夜何時了

前調

伯禮立
春生日

陸游

春色到人間綵幡初戴正好春盤細生菜一般日月只
有仙家偏耐雪霜從點鬢朱顏在溫詔鼎來延英催

對鳳閣鸞臺看除拜對衣裁穩恰稱毬紋新帶箇時方
旋了功名債

前調

陸游

小閣倚秋空下臨江渚漠漠孤雲未成雨數聲新鴈回
首杜陵何處壯心空萬里人誰許黃閣紫樞築壇開
府莫怕功名欠人做如今熟計只有故鄉歸路石帆山
脚下菱三畝

前調

韓澆

急管度青枝醉眠芳草雲斷巫陽夢能到乍醒餘困晴
影暗移紗帽舊時閒意思都忘了 今歲春遲去年春
早點點繁紅又多少惜春歸去酒病翻成花惱數聲啼
鳥喚人春曉

前調

韓 澆

詩社酒徒間村花村柳月榭風亭更霞牖臨春結綺又
是那回時候不禁中夜雨相傷憊 弄蕊攀條為尋芳
酒一斗誰能問千首江南雲夢空說氣吞八九持杯人

共我能吟否

前調

送饒溪
臺游浙

黃昇

騎鶴上揚州腰纏十萬拈起詩人舊公案看山看水此
去勝游須徧煩君收拾取歸吟卷少日風流暮年蕭
散佳處何妨小留款沙河塘上落日繡簾爭捲也須拂
拭起看花眼

前調

廣東與
康伯可

韓玉

遠柳綠含煙土膏才透雲海微茫露晴岫故鄉何在夢

寐草堂溪友舊時游賞處誰攜手
塵世利名於身何
有老去生涯殫尊酒小橋流水一樹雪香寒瘦故人今
夜月相思否

前調

党懷英

一葉下梧桐新涼風露喜鵲橋成渺雲步舊家機杼巧
織紫綃如霧新愁還織就無重數
天上何年人間朝
暮回首星津又空渡盈盈別淚散作半空疎雨離魂都
付與秋將去

前調

出京門
有感

李俊民

忍淚出門來楊花如雪惆悵天涯又離別碧雲西畔舉
目亂山重疊據鞍歸去也情悽切一日三秋寸腸千
結敢向青天問明月算應無恨安用暫圓還缺願人長
似月圓時節

前調

王 惲

疊嶂際清江楓林輝映潮落波平鏡光靜六朝興廢都
付漁郎煙艇蓴鱸香正美秋風冷笳鼓歸來風雲增

勝夢裏無煩想
幽景風流公子寫
出五湖高興畫
中須領取江山影

前調

吳子孝

海上有仙山
苦淹城闕歲
歲中秋隔明月
季秋既望攜
手依然同陟清
光千萬里
山如雪
玉魄纔圓金尊未
歇丘壑風流兩
奇絕
廣寒縹緲便欲
馭風飛越
歸來慎勿向忙人說

前調 詠鏡

馮盛世

有福共嬋娟相依白首看拂雙蛾似垂柳此中何處有
箇人兒爭瘦笑效顰難效腸迴九春塵飛處有時昏
黝洗面還同美人鬪芙蓉映入疑是瀟湘清瀾怪東風
起處吹難皺

解佩令

又一體雙調

六十七字

解佩令

晏幾道

玉階秋感年華暗去掩深宮團扇無情緒記得當時自

翦下機中輕素點丹青畫成秦女涼襟猶在朱顏未
改忍霜紈飄零何處自古悲涼是情事輕如雲雨倚么
絃恨長難訴

看花回

又一體雙調
六十七字

看花回

柳永

屈指勞生百歲期榮瘁相隨利牽名惹逡巡過奈兩輪
玉走金飛紅顏成白首極品何為塵事常多雅會稀

忍不開眉畫堂歌管深深處難忘酒盞花枝醉鄉風景
好攜手同歸

夢行雲

一名六么花十八
雙調六十七字

夢行雲

吳文英

簾波皺纖縠朝炊熟眠未足青奴細膩未拚真珠斛素
蓮幽怨風前影搔頭斜墜玉畫闌枕水垂楊梳雨青
絲亂如乍沐嬌笙微韻晚蟬亂秋曲翠陰明月勝花夜

那愁春去速

鳳凰閣

雙調六

十七字

鳳凰閣

已酉歸舟
衡陽作

趙師俠

正薰風初扇梅黃暑溽並搖雙槳去程速那更黃流浩
淼白浪如屋動歸思離愁萬斛平生竒觀頗快江山
寓日日斜雲定晚風熟白鷺飛來點破一川明綠展十
幅瀟湘畫軸

賣花聲

雙調六

十七字

賣花聲

莫是龍

乘興王猷獨放剡溪孤棹向名園盡情傾倒長夜深尊
莫問東林曉對知音劃然歡笑 繡戶珠簾何處閒情
堪到晃銀屏燈花結早隔院風來過空庭如埽醉歸時
共村翁野老

垂絲釣

又一體雙調
六十七字

垂絲釣

袁去華

江楓秋老曉來紅葉如掃暮雨生寒正北風低草宿鴻
早亂半川殘照傷懷抱 記西園飲處微雲弄月梅花
人面爭好路長信杳度日房櫳悄還是黃昏到歸夢少
縱夢歸易覺

三奠子

雙調六十七字唐宋無此調見於元好問錦機集中傳是
奠酒奠椒奠璧因以名詞崔令欽教坊記亦有奠璧子也

三萼子

離南陽
後作

元好問

悵韶華流轉無計留連行樂地一凄然笙歌寒食後桃
李惡風前連環玉迴文錦兩纏繇芳塵未遠幽意誰
傳千古恨再生緣閒衾香易冷孤枕夢難圓西牕雨南
樓月夜如年

前調

七夕

王惲

悵神光奕奕天上良宵花露濕翠釵翹風回鸞扇影愁
滿紫雲輶恨相望雖一水隔三橋朱絃寂寂心思迢

迨人未老鬢先彫
翻騰驚世故機巧
到鮫綃涼夜永
簫聲咽篆煙飄

天仙子

雙調六
十八字

天仙子

張先

水調數聲持酒聽
午醉醒來愁未醒
送春春去幾時回
臨晚鏡傷流景
往事後期空記省
沙上並禽池上暝
雲破月來花弄影
重重簾幕密遮燈
風不定人初靜
明

日落紅應滿徑

前調

張先

醉笑相逢能幾度為報江頭春且住主人今日是行人
紅袖舞清歌女憑仗東風交點取三月柳枝柔似縷
落絮倦飛還戀樹有情寧不憶西園鶯解語花無數應
訝使君何處去

前調

觀舞

張先

十歲手如芽子笏因愛弄妝偷傅粉金蕉併為舞時空

紅臉嫩輕衣褪春重日濃花覺困
斜鴈軋絃隨步趁
小鳳纒珠光繞鬢密教持履恐仙飛
催拍緊驚鴻奔風
袂飄飄無定準

前調

鄭設夫
移青社

張先

持節來時初有鴈十萬人家春已滿
龍標名第鳳池身
堂阜遠江橋晚一幃湖山看未徧
障扇欲收歌淚濺
亭下花空羅綺散檣竿漸向望中疎
旗影轉輦聲斷惆
悵不如船尾燕

前調

張先

坐治吳州成樂土詔卷風飛來聖語親輿乞得便藩歸
瑤席主杯休數清夜為君歌白苧花接舊枝新蕊吐
造化不知人有助看花歲歲比甘棠嘉月暮東門路只
恐帶將春色去

前調

趙令時

宿雨洗空臺榭瑩下盡珠簾寒未定花開花落幾番晴
春欲竟愁未醒池面杏花紅透影一紙短書言不盡

明月清風還記省玉樓香斷又添香
閣展興臨好景心似亂萍何處整

前調

周紫芝

雪似楊花飛不定枝上凍禽昏欲暝
寒牕相對話分飛簫鼓靜燈炯炯一曲陽關和淚聽
酒入離腸愁欲凝往事不堪重記省
勸君莫上玉樓梯風力勁山色暝忍
看去時樓下徑

前調

呂渭老

樓下輓轡橫露井樓上嬋娟開曉鏡下樓難忘上樓時
風未定帆不止簌簌珍珠揮塵柄 眉上新愁吹不醒
別酒未斟歌未忍雪中梅下定重來煙暝腸寸寸莫
放笛聲吹落盡

前調

杏花
留飲

張元幹

樓外輕陰春澹泞數點杏梢寒食雨少年油壁記尋芳
梁苑路今何處千樹紅雲空夢去 驚見此花須折取
明日滿城傳侍女情知醉裏惜花深留春住聽鶯語一

段風流天付與

前調

程垓

慘慘霜林冬欲盡又是梅溪寒弄影矮牕曲屋夜香燒
人已靜燈垂燼點滴芭蕉和雨聽約箇歸期猶未定
一夜夢魂終不穩知他勾得許多情真箇悶無人問說
與畫樓應不信

前調

楊慎

蓮葉為舟絲作索渡口梅風歌扇薄一聲留得滿城春

金鑿落銀鑿落醉裏不知愁緒惡
別後那回華表鶴
一點芳心無住著雲中誰寄錦書來
春寂寞人寂寞綠
徧汀洲生杜若

前調

吳子孝

四面山光如潑黛麥隴連村千萬態
海東紅日上層霄
煙靄黷叢林外山北高人應我待
竹繞茅堂長好在
白石清泉仙境界入門雙鶴便相迎
穿蘿艾尋松檜陰
陰空谷鳴清籟

前調

夏復

紫玉轆轤春錦索金井梧桐寒寂寞霜韉馬上冶游郎
花下約花前諾人在畫樓牽翠幙無奈愁人春夢惡
淚點羅衫春袖薄一江煙草亂相思當初錯而今莫鴈
又不來花又落

前調

明妓
王微

煙水蘆花愁一片箇中消息難分辨舉杯邀月不成三
君可見儂可見伊人獨與寒燈面疊盡雲箋情有限

除非做本相思傳幾回擲筆費沈吟君也念儂也念霜
韞曉路雞聲店

青玉案

又一體雙調

六十八字

青玉案

歐陽修

一年春事都來幾早過了三之二綠暗紅媽渾可事垂
楊庭院暖風簾幕有箇人憔悴買花載酒長安市又
爭似家山見桃李不住東風吹客淚相思難表夢魂無

據惟有歸來是

前調

晁補之

十年不向東門道信匹馬羞重到玉府驂鸞猶年少宮
花頭上御爐煙底常日朝回早霞觴翻手羣仙笑恨
塵土人間易春老白髮愁占彤庭杳紅牆天阻碧濠煙
鎖細雨迷芳草

前調

旅情

曹組

田園有計歸須早在家縱貧亦好南去北來何日了光

陰送盡可憐青鬢暗逐流年老
寂寥孤館殘燈照正
鄉思驚時夢初覺落月蒼蒼關河曉
一聲雞唱馬嘶人
起又上長安道

前調

張 榘

少時貪看瓊林繞任馬上寒威峭
昨暮六花飛逗曉擁
衾慵起鬢絲籠帽頓覺年來老
朱闌翠竹枝枝倒把
玉甃稜層趁風掃樓上一尊須放早
同雲收盡紅輪初
上對面狼山好

前調

張 榘

龍香熏被羅屏繞任牕外風兒峭鴛枕夢回雞唱曉了
鬢驚笑瓊枝低亞錯認梅花老紅爐獸炭裝還倒強
梳洗忙將黛眉掃貪趁清歌爭怕早弓鞞微濕玉纖頻
袖塑出獅兒好

前調

吳子孝

當年苦欲歸南國愛處處尋春色山寺江樓楊柳陌花
開蜂鬧草香鳥啣簫管人如織四時惟有春堪惜况

常遇江頭詩酒客風雨連朝煙幕幕朱樓頻倚畫船長
樣花落將寒食

前調

又一體

張 榘

西風亂葉溪橋樹秋在黃花羞澀處滿袖塵埃推不去
馬蹄濃露雞聲澹月寂歷荒村路 身名多被儒冠悞
十載重來慢如許且盡清尊公莫舞六朝舊事一江流
水萬感天涯暮

前調

送湯中丞

周 用

太微昨夜輝南紀望望樓船渡湘水公作長城真足倚
新秋離思五雲回首百粵風謠美雙龍宛宛裁黃紙
霖雨橫施幾千里入奏天顏應有喜蓬萊殿裏鳳凰池
上早聽尚書履

前調

社日

張大烈

千條弱柳拖青線應期剛到呢喃燕綠遍川原紅減半
酬神賽會花陰人集深處芳洲畔金壘醞醖頻頻勸
沈入醉鄉斟尚滿解衣欲臥芳草岸花鋪錦裯松羅翠

幕鳥奏無心管

前調

張大烈

春歸難覓馳歸路止眼見芳華飛去落紅香褪風中度
燕老鶯雛花階柳戶盡換韶光處綠暗汀洲煙塢暮
流水無情枉題句蜂蝶閒忙已如許梅豆酸心楊花縈
意惹悶廉纖雨

前調

又一體

袁昌今

數竿疎竹野人家夜來雪打偏斜無端低弄又還遮數

枝橫影道人睡起疑是月籠紗
一團雪色掩籬笆
縱秋水難比這銀沙
呼童快煮建溪茶
箇箇堪描枝枝若
畫留著伴梅花

兩同心

雙調六十八字唐教坊取古樂府製
曲填詞遂以名調亦名仙源拾翠

兩同心

晏幾道

楚鄉春晚似入仙源
拾翠處閒隨流水
踏青路暗惹香
塵心心在柳外青帘
花下朱門
對景且醉芳尊
莫話

銷魂好意思曾同明月愁滋味最是黃昏相思處一紙
紅牋無限啼痕

前調

黃庭堅

巧笑顰眉行步精神隱隱似朝雲行雨弓弓樣羅襪生
塵尊前見玉檻彫籠堪愛堪親 自言家住天津生小
從人恐舞罷隨風飛去顧阿母教穿珠帚從今去惟願
銀釭莫照離尊

前調

又

一

柳永

佇立東風斷魂南國花光媚春醉瓊樓蟾彩迴夜游香
陌憶當時酒戀花迷役損詞客 別有眼長腰搦痛憐
深惜鴛鴦阻夕雨淒淒錦書斷暮雲凝碧想別來好景
良時也應相憶

前調

楊无咎

行看不足坐看不足柳條軟斜倚春風海棠睡醉敲紅
玉清堪掬桃李漫山真成麤俗 遙夜幾番相屬暗魂
飛逐深斟酒低唱新聲密傳意解回嬌目知誰福得似

風流可伊心曲

行香子

又一體雙調

六十八字

行香子

柳

杜安世

黃金葉細碧玉枝纖初暖日當乍晴天向武昌溪畔於
彭澤門前陶潛影張緒態兩相牽 數株堤面幾樹橋
邊嫩垂條絮蕩輕絲繫長江舴艋拂深院秋千寒食下
半和雨半和煙

拾翠羽

雙調六
十八字

拾翠羽

張孝祥

春入園林花信總隨遲
速聽鳴禽稍遷喬
木天桃弄色
海棠芬馥風雨霽
芳徑草心頻綠
楔事纔過相次禁
煙追逐想千載
楚人遺俗青旗沽酒
各家炊熟良夜遊
明月勝燒花燭

殢人嬌

又一體雙調
六十八字

殢人嬌

晏殊

二月春風正是楊花滿路那堪更別離情緒羅巾掩淚
任粉痕霑汗爭奈向千留萬留不住 玉酒頻傾翠睂
愁聚空腸斷寶箏絃柱人間後會又不知何處魂夢裏
也須時時飛去

前調

晏殊

玉樹微涼漸覺銀河影轉林葉靜疎紅欲徧朱簾細雨

尚遲留歸燕嘉慶日多少世人良願
楚竹驚鸞秦箏起鴈縈舞袖急翻羅薦雲迴一曲更輕攏檀板香炷遠
同祝壽期無限

前調

晏殊

一葉秋高向夕紅蘭露墜風月好乍涼天氣長生此日
見人中喜瑞斟壽酒重唱妙聲珠綴
鳳筵移宮鈿衫迴袂簾影動鵲爐香細南真寶籙賜玉京千歲良會永
莫惜流霞同醉

前調

王都尉
侍人

蘇軾

滿院桃花盡是劉郎未見於中更一枝纖軟仙家日月
笑人間春晚濃睡起驚飛亂紅千片密意難窺羞容
易見平白地為伊腸斷問君終日怎安排心眼須信道
司空自來見慣

歸田樂

又一體雙調
六十八字

歸田樂

晏幾道

試把花期數便早有感春情緒看即梅花吐願花更不
謝春且長住只恐去春去花開還不語此意年年春
會否絳脣青鬢漸少花前語對花又記得舊曾游處門
外垂楊未飄絮

獻衷心

又一體雙詞
六十九字

獻衷心

顧曼

繡鴛鴦帳暖畫孔雀屏敬人悄悄月明時想昔年歡笑

恨今日分離銀釭背銅漏永阻佳期
小爐煙細虛閣
簾垂幾多心事暗地思惟被嬌娥牽役魂夢如癡金閨
裏山枕上始應知

佳人醉

雙調六
十九字

佳人醉

柳永

暮景蕭蕭雨霽雲澹天高風細正月華如水金波銀漢
澹澹無際冷浸書帷夢斷却披衣重起臨軒砌
素光

遙指因念翠眉音塵何處相望同千里儘凝睇厭厭無
寐漸曉雕闌獨倚

數花風

亦名鳳凰閣雙

調六十九字

數花風

別義興
諸友

張炎

好遊人老秋鬢蘆花共色征衣猶戀去年客古道依然
黃葉誰家蕭瑟自笑我如何是得酒樓仍在流落天
涯醉白孤城寒樹美人隔煙水此去程應遠須尋梅驛

又漸數花風第一

月上海棠

雙調七

十字

月上海棠

成都蜀苑古梅

陸游

斜陽廢苑朱門閉，弔興亡遺恨淚痕裏。
淡淡宮梅也依然，點酥翦水凝愁處。
似憶宣華舊事，行人別有淒涼意。
折幽香誰與寄，千里佇立江皋杳。
難逢隴頭歸騎音塵遠，楚天危樓獨倚。

前調

陸游

蘭房繡戶厭厭病歎春醒和悶甚時醒燕子空歸幾曾
傳玉關邊信傷心處獨展團窠瑞錦熏籠消歇沈煙
冷淚痕深展轉看花影漫擁餘香怎禁他峭寒孤枕西
牕曉幾聲銀瓶玉井

前調

又一體

段克己

住山活計宜聞早身世滄溟一漚小日月兩跳丸迭送
人間昏曉朱顏換風雪俄驚歲杪敝衣旋補荷盈沼

算騎鶴揚州古今少休苦似吳蠶却枉把此身纏繞君
知否我自無心可了

前調

段成已

酒杯何似浮名好一入枯腸泰山小喚醒夢中身鷓鴣
數聲春曉昂頭處幾點青山屋杪 人生得計魚游沼
視過眼花陰向來少須卜一枝安笑月底驚鳥三繞無
窮事畢竟何時是了

前調

段成已

光陰輸與閔人手屈指窮冬又初九風雪擁柴關竹外
一枝梅秀醅甕熟似笑淵明止酒 溪山舊約吾無負
便結與無情歲寒友世味儘醇醲漫掩鼻向伊慵喫蓬
茅底有手何妨且袖

小桃紅

一名紅娘子一名灼灼花
一名連理枝雙調七十字

小桃紅

晏殊

玉宇秋風至簾幕生涼氣朱槿猶開紅蓮尚拆芙蓉含

蕊送舊巢歸燕拂高簾見梧桐葉墜
嘉晏凌晨啓金
鴨飄香細鳳竹鸞絲清歌妙舞畫堂游藝願百千遐壽
比神仙有年年歲歲

前調

晏殊

綠樹鶯聲老金井生秋早不寒不煖裁衣按曲天時正
好况蘭堂逢著壽筵開見爐香縹緲
組繡呈纖巧歌
舞誇妍妙玉酒頻傾朱絃翠管移宮易調獻金杯重疊
祝長生永道遙奉道

前調

程垓

不恨殘花驛不恨殘春破只恨流光一年一度又催新
火縱青天白日繫長繩也留春得麼花院從教鎖春
事從教過燒筍園林嘗梅臺榭有何不可已安排珍簾
小胡牀待日長閒坐

前調

余桂英

芳草連天暮斜日明汀渚悞恨東風恍如春夢匆匆又
去早知人酒病更詩愁鎮輕隨飛絮寶鏡空相覩箏

鴈渾無據門外當時薄情流水如今何處正相思望斷
碧山雲又鶯啼晚雨

惜黃花

雙調七

十字

惜黃花

史達祖

涵秋寒渚染霜丹樹尚依稀是來時夢中行路時節正
思家遠道仍懷古更對著滿城風雨黃花無數碧雲
欲暮美人兮美人兮未知何處獨自捲簾櫳誰為開尊

俎有若箇御風歸去

雨中花令

又一體雙

調七十字

雨中花令


周紫芝

山雨細泉生幽谷水滿平田雪繭紅蠶熟後黃雲隴麥
秋間武陵煙暖數聲雞犬別是山川嗟老去倦游蹤
跡長恨華顛行盡吳頭楚尾空慚萬壑千巖不如休也
一菴歸去依舊雲山

欽定四庫全書

御選歷代詩餘

御選歷代詩餘卷四十五



總校官庶吉士臣張能照

校對官庶吉士臣陳墉

謄錄監生臣浦焞